

頭
佛說摩訶般若波羅蜜多心經

唱

觀自在菩薩 行深般若波羅蜜多時 照見五蘊皆
空 度一切苦厄 舍利子 色不異空 空不異色 色
即是空 空即是色 受想行識 亦復如是 舍利子
是諸法空相 不生不滅 不垢不淨 不增不減
是故空中無色 無受想行識 無眼耳鼻舌身意
無色 声 香味 觸法 無眼界 乃至無意識界 無無
明 亦無無明 乃至無老死 亦無老死 盡 無苦
集滅道 無智亦無得 以無所得故 菩提薩埵 依
般若波羅蜜多故 心無罣礙 無罣礙故 無有恐怖
遠離一切顛倒夢想 究竟涅槃 三世諸佛 依
般若波羅蜜多故 得阿耨多羅三藐三菩提 故知
般若波羅蜜多 是大神呪 是大明呪 是無上呪
是無等等呪 能除一切苦 真實不虛 故說般若
波羅蜜多呪 即說呪日
羯諦羯諦 波羅羯諦 波羅僧羯諦 菩提薩婆訶
般若心經